



UNIVERSITÄTS-  
BIBLIOTHEK  
PADERBORN

## **Universitätsbibliothek Paderborn**

### **Bernardini Scardaeonii Patauini Presbyteri de Castitate Libri Septem**

**Scardeone, Bernardino**

**Venetiis, 1542**

Adhortatio ad accelerandam conuersionem, & ad impetrandam ueniam  
peccatis cap. lxiiii

**urn:nbn:de:hbz:466:1-30433**

tentiam super immūdiā, & fornicationē, & impudiciā  
 tiam, quam gesserunt. Ad quid nam differendū est con-  
 uersionis negocium in senectutem: quum non minus cō-  
 tumeliosa sit, q̄ periculosa emēdatio in senectute, & sero  
 ad hoc æui usq̄ pertracta quādo etiā si uelis, peccare nō  
 possis. Peruerse faciunt (ut dicit. D. Augustinus) homi-  
 nes, qui in rebus animæ sub spe misericordiæ remanent  
 diutius in peccatis: quū tamē nemo in corporeis rebus,  
 uelit sub spe futuræ salutis diutius egrotare. Cœca' profe-  
 cto spes est, & uana, ut speret quis toto uitæ spacio in p-  
 fundo peccatorū iacere posse, & horę momento exur-  
 gere de profundo malorum, & expiari a peccatis: ut pie  
 mori possit cum Christo. Peccati sane macula cito con-  
 trahitur, at non æque cito diluitur. In nassam (ut aiunt)  
 facilis est ingressus, sed difficilis exitus. Et. n. qui talia agūt  
 habendi sunt ex eorū numero, qui dicunt uerbum in spi-  
 ritum sanctum: quibus, neq̄ in hoc sæculo, neq̄ in futu-  
 ro, ex sentētia domini, ulla sperāda est uenia peccatorū.

Matth. 12.

101. dol

Adhortatio ad accelerandam conuersionem, et ad  
 impetrandam ueniam peccatis. Cap. LXIII.

**M**ultum falleris et tota erras uia, quilibet es, qui  
 differis tunc emendare mores, quū amplius pec-  
 care non poteris: uel in extremo tempore, quū  
 iam iam necessario, uelis nolis, hinc abeundum tibi fue-  
 rit. Nullus quippe hinc ad alteram uitā transgressis pœ-  
 nitentiæ locus est: qualis hinc quisq̄ egreditur talis per-  
 petuo apparebit, aut iustus, aut peccator: aut saluus, aut  
 dānatus. Quam ob rem quum in omnibus rebus pro-  
 uidentia maxime necessaria sit, tum in eo ipso præcipua  
 habenda est quod plus q̄ semel nequit fieri: et ubi neq̄  
 commissus error emendari, neq̄ damnatum acceptum unq̄  
 amplius redimi, aut reparari ullo ingenio aut arte possit.  
 Noli ergo errare permagni, immo q̄ maximi momenti  
 res agitur: qm̄ in morte quicquid euenerit semel, iam cō-  
 clamatum est, et alea iacta, ut dicitur. Pecunia et aliud dā-  
 num potest refarciri: fama etiam (licet ægrius) tamen et

Ephes. 2.  
Cor. 13.

DE RATIONE COERCEN LIBID.

Ipsa egregio aliquo facinore, aut uita in melius mutata, restitui solet: at animæ iactura, nulla est arte reparabilis.

Matth. 16

Quo circa dñs dicit, Quid prodest homini si uniuersum mundum lucret, animæ uero suæ detrimentum patiat: aut quam commutationem dabit homo pro anima sua? Non est profecto qui eruat unquam ab inferis animam tartareis suppliciis addictam: non per seipsum aliquis, non amicus, non frater, non pater, non sanctorum quisquam, non denique Deus. Frustra eiulabit, frustra planget quisquis fuerit infelicissimus ille peccator: cui longe sanè melius fuerat ut natus non fuisset quam uitam uiuere infelicem, & æternis miseris sine ulla spe ueniæ destinatam. Agenda ergo pœnitentia continendum, orandum, ieiunandum, uigilandum, antequam ueniat mors, & dies illa calamitatis, & miseriæ: ubi tempus non erit amplius ueniæ, sed iudicii: sed ultionis, sed supplicii. Quod sanctus ille Iob præuidens & horrens

Iob. 10.

ita deprecabatur dominum, Dimitte inquit me, ut plangam paululum dolorem meum antequam uadam, & non reuertar, ad terram tenebrosam, & opertam mortis caligine: terram miseriarum, & tenebrarum, ubi umbra mortis, & nullus ordo, sed sempiternus horror inhabitat. Ploremus ergo fratres nunc, dum tempus est nobis idoneum ad plorandum, & lachrymæ profunt ad salutem. Ploremus inquam & supplicemus pro peccatis nostris: & tabidas peccatorum sordes abluamus imbribus lachrymarum: redimentes tempus (ut ait Apo-

Ephes. 5.

2. Cor. 6

stolus) quoniam dies mali sunt. Quid ergo moramur exhibere nosmet ipsos (ut idem ait) sicut Dei ministros, in multa patientia, in tribulationibus, in necessitatibus, in angustiis, in uerberibus, in seditionibus, in laboribus, in uigiliis, in ieiuniis, in castitate, in scientia, in longanimitate, in suauitate, in spiritu sancto, in charitate non ficta, in uerbo ueritatis, in uirtute dei: Nec quisquam aut peccatis remoretur aut annis quo minus ad salutarē huius

portus stationem confugiat: in isto adhuc mundo ma-  
 nenti poenitentia nunquam sera est: & ad indulgentiam  
 impetrandū uolenti facilis semp̄ accessus. Quid iam ero  
 go differimus conculcare sub pedibus uoluptates: quas  
 uelimus, nolimus, paulo post intercipiet tandem pernicio-  
 siosa aliqua molestia: siue febris, siue capitis dolor, seu  
 stomachi cruditas, siue tormina, uel podagra, uel col-  
 licus dolor, uel calculus, aut hydropisis, aut paraly-  
 sis, siue ex mille morborum genere aliquid simile: atq̄  
 deniq̄ mors ipsa, quæ est, ut philosophus dicit, & nos  
 uidemus, ultimum terribilium. Faciamus itaq̄ de neces-  
 sitate uoluntatem, & de ui remediū, de obligatione offi-  
 cium. Circuferamus aliquando oculos ad imminētem  
 tempestatem: & de pelago peccatorum ad poenitentiam  
 salutarem, tanquam in portum tutissimum remigemus.  
 Ecce nunc tempus acceptabile, ecce nunc dies salutis.  
 Efficiamur Dei cultura, Dei ædificatio supra fundamen-  
 tum Apostolorum, & Prophetarum, & in ipso summo  
 angulari lapide Christo Iesu. Nulla nos post hac fran-  
 gat iniuria: nulla suspicio sollicitet, nullus corporis dolor  
 expugnet, nulla libido corrumpat, nulla ambitio exagi-  
 tet, nulla cupiditas inflammet. Caueamus ocium ac des-  
 fidiam, custodiamus sensu nostro, uagos & rebelles, &  
 repugnantes rationi. Componamus mores, uitia om-  
 nia fugiamus, Dei præcepta seruemus, & castitas  
 una cum reliquis uirtutibus arctissime complectamur:  
 frænantes linguam ab obscœnis, auertētes oculos  
 à uanitatibus, obturantes aures ab impudiciis, exten-  
 dentes manus ad pauperes, eleuantes oculos una cum  
 mente ad coelestia, & à domino ueniam sine intermis-  
 sione humiliter deprecantes: semper & ubique seruans  
 tes in conuersatione modestiam, in uictu sobrietatem,  
 in uestitu decorum, in uerbis uerecundiam, in mori-  
 bus disciplinam, in factis iustitiam, in operibus mise-  
 ricordiam, in rebus afflictis patientiam, in tranquillis

DE RATIONE COERCEN. LIBID,  
moderantiam, in iniuriis tolerantiam, in omnibus denique  
actionibus equanimitatem, constantiam, castimoniam,  
fortitudinem, temperantiam. Hæc sunt profecto quæ  
Deo reconciliare nos possunt, et hominibus etiam gra-  
tos reddere. Non enim thure aut hostiis ullis Deo me-  
lius, quàm conuersione: et motum mutatione litatur. Vnde  
Paulus Apostolus. Sicut inquit exhibuistis membra uest-  
stra seruire immundicię, et iniquitati ad iniquitatem: ita  
nunc exhibeatis membra uestra seruire iustitię, in sanctifi-  
cationem: ut liberi a peccato, et serui facti Deo, habeatis  
fructum in sanctificationem, sinẽ uero uitæ æternæ,

FINIS.

REGISTRVM.

ABCDEFGHIJKLMN OPQRSTVX  
YZ AA BB CC DD EE FF GG HH II KK LL  
MM NN OO PP QQ RR S TT.

Quaterniones omnes.

Venetis apud Ioannem Farreum, et  
fratres. Anno à partu Virginis.

M D XLII.